



UNIVERSITÄTS-
BIBLIOTHEK
PADERBORN

Universitätsbibliothek Paderborn

Metropolis Salisbvr gensis

Continens Primordia Christianæ Religionis Per Boiariam Et Loca quædam vicina; Catalogum videlicet & ordinariam successionem Archiepiscoporum Salisburgensium, & Coëpiscoporum, Frisingensium, Ratisponensium, Patauiensium, ac Brixinensium

Hund, Wiguleus

Monachii, 1620

Aurea Bulla Friderici II. Imp.

urn:nbn:de:hbz:466:1-13553

Aurea Bulla Friderici II. Imp.

F. Dei gratia Romanorum Imperator Augustus. Ierusalem & Sicilie Rex, dilectis fidelibus suis precepto Decano, & vniuersis Ministerialibus Ecclesie Frisingen. tam presentibus quam futuris in perpetuum. Ad hoc Rex regum & dominus dominantium nos ad obtinendum dyadema Imperij sublimauit, vt vniuersis & singulis equitate seruata, que in preiudicium Ecclesiarum & personarum existentium in eisdem, quas manu tenere & tueri tenemur, ab ali- quibus temere attemprantur, prouide ad earum commodum reuocemus, vt feliciter nobis regnantibus nullum dispendium vel diminutionem rerum temporalium incurrant; sed potius Imperialis sublimitatis clementia in libertati- bus suis & iuribus salubriter & sine lesione aliqua gubernentur. Cum igitur sicut dilecto fidele nostro C. preposito Indicensi didicimus referente. D. quondam Episcopus Frisingen. Ecclesie dotis titulo pertinentem Duci Ba- uarie in feudum duxit concedendum, in commune Frisingen. Ecclesie detri- mentum, Et idem Prepositus super hoc coram nobis & principibus in Curia nostra presentibus querela deposita cum instantia postulasset Imperiali senten- tia diffiniri. vtrum hoc facere licuisset Episcopo supradicto. Nos tandem pe- titioni sue benignum prebentes auditum cum Aquilegen. Patriarcha & Ar- chiepiscopo Salzborgen. & Episcopo Ratisb. & Austrie atque Morauie nec non & Carinthie ducibus, & cum alijs nostris fidelibus super hoc tractatum habui- mus diligentem: ab vniuersis & singulis quid iuris esset sollicite inquirentes. Et quia nobis visum fuit, quod in feodatio huiusmodi fieri non potuit, quia de iure non debuit, statuimus eam esse penitus irritandam. Quia vero Ciuitas Frisingen. & sedes Episcopalis & prima legitimaque dos Ecclesie Frisingen. an- te ipsius dedicationem ad opus ministeriorum & luminarium eiusdem Ecclesie legitime cum omni iure ac plenaria libertate collata, & propterea non licet eam cuiquam quoquam titulo infeodationis conferri. Nos apud Anagniam constituti memorate ciuitatis infeodationem sub quocunque titulo infeoda- tionis factam de principum predictorum consilio Imperialis nostre maiestatis auctoritate cassamus & decernimus esse nullam, eandem ciuitatem cum omni ea libertate quam ex antiquo habuisse dinoscitur ad jus & proprietatem & vsus debitos Frisingen. Ecclesie legitime reuocantes. Nulli ergo hominum liceat omnino hanc nostram sententiam infringere, vel ei ausu temerario contraire. Si quis autem hoc attemprare presumpserit Mille Marcas auri componat, medietatem nobis, residuum Ecclesie supradicte. Sententia eadem nihilominus in suo robore in perpetuum duratura. Ad huius autem sententie nostre me- moriam & stabilem firmitatem presentem regalem paginam fieri & bulla au- rea typano nostre maiestatis impressa iussimus communiri. Huius quoque rei testes sunt hij. Eberh. Archiepiscopus Salzburg. Sifridus Episcopus Ratisb. Imperialis aule Cancellarius frater Hermannus Rector domus Theuthonico- rum. Berchold. Dux Karinth. Rudolfus Comes Avvichspurch. C. Purgra- uius de Nurnberch. Eb. de Arinstein. C. de Hohenloch, Engelhardus de Adel- burek. Bernhardus de Hagenauve. Al. Rindelsmaul. C. de Wazzerburek. Rennarus de Prennenberch, & alij quam plures. Acta sunt hec anno domini- ce incarnationis M. CC. XXX. Mens. Septembris. Quarte Indict. Imperante domino nostro F. dei gratia inuictissimo Romanorum Imperatore semper Augusti, Ierusalem & Sicilie Rege, Anno Imperij X. Regni Ierusalem quanto Regni vero Sicilie XXXII. feliciter, Amen. Datum per manum Sifridi Ratisb. Episcopi & Imperial. Aule Cancell. in castris prope Anagniam, Anno, mense, & indictione prescriptis,